

Zaključci - Tužilački koledž 17. i 18. februara 2020. godine

1. Nastaviti iniciranje proaktivne uloge policijskih agencija u istrazi kao i nastaviti dosadašnju dobru saradnju sa policijskim i sigurnosnom agencijom u pogledu otkrivanja i prijavljivanja počilaca svih vrsta krivičnih djela iz nadležnosti Tužilaštva BiH.
2. Nastaviti saradnju sa svim drugim agencijama zaduženim za otkrivanje i prijavljivanje krivičnih djela iz nadležnosti Tužilaštva BiH, radi bržeg protoka informacija i efikasnijeg provođenja istraga.
3. Nastaviti primjenjivati institute privremenog oduzimanja imovine radi obezbjeđenja i stavljati prijedloge za trajno oduzimanje imovinske koristi u predmetima organizovanog kriminala, privrednog kriminala i terorizma sa posebnim akcentom na istrage i procesuiranje koruptivnih krivičnih djela.
4. Obavezno provoditi finansijske istrage u skladu sa uputstvom glavne tužiteljice Tužilaštva BiH donesenim u skladu sa smjernicama VSTV-a BiH.
5. Potrebno je pokretati istrage u svim predmetima za krivična djela pranja novca i procesuiranja istih pred Sudom BiH zajedno sa predikatnim krivičnim djelom, a kada to nije moguće, kao samostalno krivično djelo.
6. Unaprijediti regionalnu i međunarodnu saradnju u svim predmetima iz nadležnosti Tužilaštva BiH.
7. Povodom postupanja po Zamolnicama za međunarodnu pravnu pomoć, nastaviti dobru praksu otvaranja istraga ako postoje osnovi sumnje da je krivično djelo počinjeno u Bosni i Hercegovini.
8. Pokretati inicijative za zaključenje Zajedničkih istražnih timova (ZIT) jer mnogostruko olakšavaju rad, prikupljanje i razmjenu dokaza u regionalnim i međunarodnim predmetima u kojima se krivična djela vrše na teritoriji dvije ili više zemalja.
9. Nastaviti dobru praksu u predmetima borbe protiv terorizma, a posebno ukoliko se radi o povratku državljana BiH sa stranih ratišta.
10. Zajedno sa policijskim i sigurnosnim agencijama, zbog povećanja broja krivičnih djela krijumčarenja ljudi, u okviru ovog krivičnog djela analizirati postojanje elemenata krivičnog djela trgovine ljudima.
11. Tužioci Tužilaštva BiH aktivno će se uključiti u mrežu specijalizovanih tužilaca i istražilaca u borbi protiv trgovine ljudima i ilegalnih migracija.

12. Završiti sa unutrašnjim preorganizacijom Posebnog odjela za ratne zločine u pogledu organizovanja tužilačkih timova.
13. Tužilaštvo BiH će u skladu s Državnom strategijom nastaviti rad na najsloženijim predmetima ratnih zločina.
14. Tužilaštvo BiH će, u skladu sa Anexom „A“ Državne strategije za rad na predmetima ratnih zločina i Usaglašenim tumačenjem i konkretizacijom kriterija za ocjenu složenosti predmeta iz Anexa „A“ Državne strategije za rad na predmetima ratnih zločina između Suda BiH i Tužilaštva BiH, nastaviti prosljeđivati manje složene predmete na nadležnost tužilaštvima oba entiteta i Brčko distrikta BiH.
15. Održati kontinuitet obuka tužilaca i stručnog osoblja iz svih oblasti putem Centara za edukaciju sudija i tužilaca FBiH i RS, uz partnerstvo međunarodnih organizacija i projekata koji pružaju pomoć i podršku Tužilaštvu BiH.
16. Predložiti zajedničke obuke sa sudijama Suda BiH iz nadležnosti Suda i Tužilaštva Bosne i Hercegovine.